

Sammissaq: SV: Assartuussineq pillugu Isumalioqatigiissitaq – Kangerlussuup immikkut ittumik misissueqqissaarfigineqarnera

Tunngaviusumik Qaasuitsup Kommunia isumaqarpoq, mittarfiup qitiusup inissisimaffissaa pillugu Assartuussineq pillugu Isumalioqatigiissitaq misissugai kukkuneqartorujussuusut. Tamanna Assartuussineq pillugu Isumalioqatigiissitaq isumaliutissiissutaa pillugu kommunip allagaani ammasuni marluusuni ersarippoq. Kukkunerit taakku isumaliutissiissummi imaluunniit Kangerlussuup immikkut ittumik misissuiffigineqarnerani iluarsineqarsimanngillat.

Tamanna tunngavigalugu Qeqqata kommuniata immikkut ittumik misissuineq itigartittariaqarpaa, aammalu isummersuutini allannguutit annertuumik iluarsiivigeqqullugit qinnutigalugu. Allakkani ammasuni takuneqarsinnaasutut taakku pingaartumik Kangerlussuarmi ingerlatsinermit aningaasartuutini 'sipaagassatut', aammalu silap allanngorarnerani assigiinngissutit isumaqarnerinut tunngatillugu isummersuutinit tunngasuupput, kisiannili aamma taakku saniatigut isummersuutit annertunerusumik annikinnerusumik kukkusut arlaqarlutik.

Kukkunerit taakku saniatigut immikkut ittumik misissuineq pingaartumik mittarfimmut 2800 meterimut tunngatillugu annertuumik kukkuneqarpoq, tassanilu "timmisartut suut mittarfimmi atorneqarsinnaassanersut aalajangiiffigineqanngilaq". Soorunami tamanna aalajangiiffigineqanngippat, misissueqqissaarnerup suliarinissaa isumaqartussaannilaq. Isertitassat timmisartut mittarnerpiaannit pissarsiari-neqartartussaapput, taakkunungalugu ETOPS-imit isertitassat ilanngunneqanngillat.

2800 meterimik mittarfiliornermi timmisartut suut atorneqarsinnaanersut taamaalillunilu isertitassat qanoq amerlatigissanersut misissueqqissaartoqanngippat, isertitassat piaaraluni mikivallaamik naatsorsuutigineqartussaassapput.

Tassalu timmisartunit, sila pissutigalugu Nuummut missinnaanngitsunit, aammalu siunissami miffissat naammanngippata Kangerlussuarmut mittariaqartussanit isertitassat eqqarsaatigineqarsimanngillat. Taamatut pisoqarsinnaappat timmisartut siunissami Nuup silagissinissaa utaqqillugu Islandimut imaluunniit Canadamut mittarnissaannut taarsiullugu timmisartut Kangerlussuarmut missinnaassappata, Kalaallit Nunaata isertitassai amerlasuujusussaapput.

Aamma tassani sakkutuut timmisartuutaat, nalinginnaasumik Nato sullillugu Kangerlussuarmut mittartut, kisiannili Nuummi mittarfimmut 2200 meterimut missinnaasussaannngitsut eqqarsaatigineqarsimanngillat.

Taamatuttaaq timmisartut, nunani allani ilaasunik angallassisartut Kalaallit Nunaanni isumannaatsumik miffissaqarpat, soorlu umiarsuit sinersorlutik takornariartitsisartut ilaasuunik taarsiiniarlutik tikittartussat eqqarsaatigineqarsimanngillat.

Tassalu Qeqqata Kommunianit inerniliissutigineqarpoq, Assartuussineq pillugu Isumalioqatigiissitaq isumaliutissiissutaa aammalu immikkut ittumik misissuinerit kukkuneqangaatsiartut, taamaattumillu maannatut iluseqarlutik itigartinneqartariaqartut.

Assartuussineq pillugu Isumalioqatigiissitap isumaliutissiisummik, taamatullu immikkut ittumik missuineramik isummersuutitut eqqornerusunut allannguissaa Qeqqata Kommunianit qilanaarinearpoq.

Inussiarnersumik inuulluaqqusillunga

Laust Løgstrup

Aningaasaqarnermut, Teknikkeqarnermut Avatangiisinullu Pisortaq

Qeqqata Kommunia

Tlf.: (+299) 867310

Mobil: (+299) 525952